

愧

瘠

集

愧瘖集卷之七

莆田二山野

五言律

暮春訪馬侍御陽山別業六首

陽山遲送客延佇酒初醒
躑躅明孤嶼蘼蕪綠
遠汀行歌淹白髮登覽眇滄溟
野老煙霞債伊人共採苓

青山高百丈舊日夢曾登
玉樹晴流靄蒼松老
掛籐却疑僊子宅宛入洞雲層
石榻誰能借秋

來欲問僧

鄭老尋真到東山許共清躋雲虛舊約觀海漫
多情綠樹流鶯語蒼崖野鶴行馬卿應地主凋
悵隔江城

鄭司馬道穀城
佳勝欲拉予遊

九華清浮野迢遙生曉雲望之僊跡遠佳氣何
氤氲瑤草重巖遍天湖白石分何時西谷子同
訪紫霞君

六十浮生度煙花各報春偶因適野興言念同
袍人南水柴門棹陽山野葛巾蹉跎吾豈負三

隱往還頻

翠屏環晚眺青野豁閒行跌宕從真性棲遲愧
浪名鹿門雲几淨剡冰雪舟橫誰愈煙霞疾滄

浪一曲清

舊有松隱竹隱梅隱堂今
師山損巖筆峰正三隱也

病中習靜西源作呈林遷于吳師夔四首

匡牀初屏息藥裏小童從玄落楊雄思癰增上
子容棲鶴應靜樹歸鶴定高松僧舍南屏外雲
中聞暮鐘

閒身禁末疾默坐澹營魂入郭豁環榻栖霞山

到門流年思遁迹古意欲忘言獨念雞峰曲新
停北海尊

霽景魚遊樂徘徊倚檻看形骸寬束縛藥物罷
辛酸崖草和煙碧谿花入暮寒杜陵多逸興風
雨過蘇端

五里思芳嶠梅泉更若何農多依草餉樵有採
薪歌筠榻松扃戶石門月暎蘿詩成寄寥寂二
叟昔同過

秋日遊東麓精舍十首

招尋偕舊侶巾舄信浮踪野水涵三島晴嵐逗
九峰樹分朱果麗花亞紫薇穠我亦陶弘景逢
君一短筇

石門頻下榻天末動涼風徙倚聽巖瀑登臨俯
桂叢碧霞烏石洞白帽鶴林翁山鳥知留客歌
聲和楚童

野吹生陰磴谿流入暝煙虛疑玄圃夢眞結碧
山緣竹塢旋移席榕谿擬放船蟬聲楓樹晚搔
首惜流年

美人隔秋水相見贈琅玕獨鶴翩翩下晴沙翠
竹寒江邨多勝事野叟得良歡落日銜杯滿白
雲歌未闌

五柳孤邨僻七松獨樹奇濯纓堪小隱把酒慰
幽期水迥迎風細雲低過雨遲白鷗飛不散延
矚有新詩

九華東麓遠怪石尙縱橫歲月渾濛會煙雲倏
忽生青門麋鹿伴白社薜蘿情憐爾能招隱巾
車時出城

幽興在濠梁石苔坐泛觴天垂蒼野白亭宿碧
雲涼孤檻斜迴照疎簾度遠香醉聽驄馬客相
對話干將

時史無山林
退齋偕游

萬事辭朱紱十年住翠微鳴禽歡樂園浴鷺戀
漁磯予亦逃名者相過願不違農談雲樹晚山
月照初衣

紆綠樓臨郭來青山映庭跡清生亦寄興遠夢
還醒燕壘虛樓鵲魚梁暗度螢無端談舊事玄
鬢已垂星

野扉開靜渚蘿磴俯層霄
刺竹留詩句
牽荷當酒瓢
岸風沙際樹
谿月海門潮
陶令東籬菊
花時還見招

遊香山十首

野寺十年別
重來路欲迷
蟬聲聞谷口
鹿跡過橋西
塔日明蛙牖
山雲流虎谿
逢師先問訊
瑤樹幾枝低

僧鑿石通甍

雲合暮江前
空門疊嶂連
僧看驚短衲
客到憶他年
香井涓涓溜
珠林淡淡煙
竭來雙眼濶
湖

海息塵緣

日淨到巖竹風香聞澗松煙霞偏闌寂猿鳥共
從容沙碧江干樹濤青海上峰前身許玄度禪
客每相逢

回首青山在相過後酒杯留雲還別洞嘯月有
高臺嶼色滄洲合江門白浪來芙蓉秋自好獨
傍野棠開

靜納諸天勝涼分萬竹青籐蘿輝白日天地入
滄溟雲路邀僊舄梵宮照客星寄言林卧者清

磬益堪聽

蘭若淹吾榻
倏然在翠微
牕迴霧嶂峭
簷綴江雲飛
萬木浮秋序
孤霞淡晚暉
浮生無住着
信宿悟禪機

傳聞僊子洞
步屨到層巒
野水魚龍變
秋風薜荔寒
丹成疑海上
舄下定雲端
喚覺盧生夢
耶郢路不難

妙高峰百丈
佳氣動青丘
飛舄留空界
吹簫到羽流
花明陰洞曉
月霽石壇秋
汗漫山翁醉
逢

人話舊遊

愛此峯谿洞清流隔漢槎
泠泠風雨膜冥冥海
天還洗耳明疎鬢浮瓢泛
晚花石田如可稼吾
亦野人家

前時白居易投老亦香山
採藥堪攜客飡霞得
駐顏谿連蒼海澗洲與白
鷗閒萬事看衰鬢歸
來且閉關

小隱亭看雨四首

山色迴青幌蘿軒傍午開
披襟一長嘯海上蒼

雲來白石谿流細脩林灑暮臺蕭然無俗事幽
思渺難裁

去城只逾嶺筠榻青霞棲夢覺呼烹茗簷聲聞
竹西奚童洗舊硯問我記新題豈有驚人句看
泉一杖藜

好雨交芳樹山南開翠微欲呼田畯語偶值荷
鋤歸蕭爽秋聲在蒼茫浦色圍海鷗何太喜忽
近野鳬飛

王子著書者舊業龍門中漆室憂時叟寓言稱

淵冲百年留白幘萬事寄青桐撫几聽疎雨香
簾吹晚風

出郭偶憩僧寺二首

出郭逢蕭寺隨緣到講堂山雲低度鳥天籟細
鳴篴渺渺塵初靜悠悠晝欲長老僧無俗事對
客漫焚香

竹院春猶逗雲亭路欲迷繁花明色相苑柳散
招提山茗隨僧到村醪信客攜風塵聊一快廻
馬欲鳥栖

世澤集 卷一
壽澤書院同諸父昆弟送弟大輪姪敦謙

會試四首

相過壽澤院悵別兩情同
津樹連雲碧江楓映日紅
天衢龍虎近世網鳳麟空
遲爾南宮信杏花春色中

一經通紫闕雙劍拂青霄
鴻渚思搖落鵠原盼
沈寥吾方衰老日爾及
聖明朝舊邸人頻換
綠楊繫馬橋

壺華絢芳筵驪歌雜管絃
遲留連棹夕纒纒一

尊前江湖海客叔姪弟兄緣忠孝吾家事流

芳喜數賢

弟以由應貢朝教朝介以載姪養恭俱會試北道主人則兒敦復

旅館誰相慰逢迎有阿咸燈花滄海夢桑梓碧
雲談伯氏江東路平安報兩函歡娛同幕府回
首憶谿南

與陳世鵬話別雞峰口占四首

滿目蒼雲聚歸途物色新離觴不辭醉壺嶠獨
相親幽谷霜前菊野人澗底蘋何當隨去旆鐘
鼓聽楓宸

山火分樵徑梅花放野岑應憐春不斲翻惜歲
將陰金玉崇明質芝蘭結素襟浪傳成漫喜世
事總驚心

時倭變海口
傳捷未果

少日稱才子餘干邂逅初詞林栖鳳鳥學海泳
鯨魚拓落公卿後蹉跎歲月餘金門堪吏隱方
朔意何如

雲臥雙衰鬢經春幾薜蘿客心驚節序世態異
風波鰲嶺天壺注蚺山海日過聽君朱鳳曲答
我紫芝歌

贈寧德主簿吳伯叙倫詩四首有引

予分憲嶺北伯叙在諸生中予器之後
困場屋以貢入太學受寧德主簿予悲
其不遇也然能於官民戴之庶夫遇矣
偶南役訪予雞峰一宿而別贈之詩四
首陳騶山僉憲予同年
厚者爲我致久別之私

疎嬾應成癖棲遲年復多朝來逢驛使更喜故人過
山桂清疎幔江霞麗晚莎尊前飛動意慰我白雲歌

憶惜談經日孤臺數子賢只今留客處涼月一杯傳
逆旅稽青嶂山人躡紫煙相看驚病髮贈

爾短遊篇

共有看山興。桑麻語更新。栖鳥驚午夜。歸鶴渺
千春。菊醉雲中榻。風清江上津。南洲曾戀別。邂逅
益情親。

江湖浮桂棹。雲石隱芝房。宦况復更歲。民歌聞
滿鄉。吾方招道侶。爾漫覓僊方。寄語騶山子。何
年詒一觴。

偶題一首

茆宇踈林淨。微茫海色低。不知芳草路。獨出午

橋西山雲時自悅沙鳥亦堪攜莫漫尋漁父明
朝過壽溪

陳三宜林竹渠林春谷過草堂二首

酒酣稱達隱中散豈逃名野酌親朋集狂歌萬
古情倒巾猿鳥訝秉燭斗參橫相對南屏老清
言流滿城

步履過三叟談詩已暮雲松屏山翠合桂幌月
華分久混樵漁迹真堪麋鹿群傾瓢當落葉相
見各殷勤

雞峰夜歸東劉紹功四首

山歸夜已深寂寞動避心望火分迷路聞雞喜
出林隴浮玄谷樹徑轉碧蘿岑莫漫孤清景憑
雲一短吟

雲臥未須招星河影共搖力稀松外嶺步怯澗
邊橋野燒連孤嶼天風吹暮潮所思來鶴榻清
溜洒窓蕉

漠漠聞寒吹香來何處花獨憐隨几杖翻惜傲
年華樹僻移棲鳥塘深渡亂蛙從人談詭迹杖

外有飛霞

高原一遠眺漁火散江門露重衣初薄城低雲
裏繁石羊橫古隊籬犬吠孤村欲訂明朝約看
山倍酒尊

雨中雜懷呈鄭于成副憲陳君咸郎中林
遷于員外三首

鄭老滄洲客端居定散愁江城三日雨雲樹萬
山秋野潤禾初長塘深鷗共浮寄言風日霽竝
泛木蘭舟

徑竹色逾淨
牕蕉聲轉寒
流年頻閉戶
世事偶凭闌
遶郭見秋水
喧江聞暮灘
石村雲臥者
遲爾話悲歡

東山聊小隱
終日少人蹤
鶴宿前峰樹
龍吟別澗淙
江門廻海嘯
秋壑轉春容
不到雞峰久
相期愧老農

出西郭至九鯉十首

出郊

郊外西雲白
新橋度嶺平
遲遲問路去
眇眇遊

便寄郵屋谿濱斷巖泉石添生經過三十載秋
髮漫相驚

松嶺

旭日度松嶺天風吹薜衣草花猶泫露茅店獨
開扉鉤幔鷗聲近看山海色微棠泉看咫尺鄭
谷有漁磯

熨斗

晴流寒濺石細路斷逢谿熨斗坐來久惟聞山
鳥啼野田通瀑迫津樹帶煙低爲爾開懷抱壺

觴共遠攜

嶺下

嶺下人居少依山作屋高柴扉來獨犬墻草上
雙釜柘火吹新熟農談慰舊勞路碑看古隧駐
馬識人豪

馬鞍

神僊還舊侶歲月更閒身採藥吾同往煙霞洞
口春陟雲高嶺窄拂幃野芳新山隱何嫌遠桃
源非避秦

山深

蕭瑟高樹凄然感昔遊同袍還宿約竝馬已
新秋日午思眠石山深欲漱流共期玄圃夢因
許白雲留

仙螺

數里寨門嶺僊螺水尚多蛟潭舍白霧虎穴失
青蘿童子穿雲語樵人伐木歌滄浪迷處所幽
興欲如何

菖谿

鷓鴣聲欲近山入苕谿清流水田田白斜陽樹
樹明邨雞牛背臥山犬鹿羣行賓館今秋草懷
人一愴情

天和

天和青入座犁壁轟當門燕壘秋將寂蜂衙暮
欲喧鄰翁邀煮茗行客去畱尊日色舍西崦前
埔亦近邨

度嶺

望湖尋鯉跡度嶺入雲涯坐石明雙眼重囊接

九華雞犬秋蹊靜猿猱暮樹斜野人慚悟道茲
夕覲殢霞

九鯉湖詠僊跡十首

寒濤谿欲曙晴嶽日初懸坐協滄洲趣石門生
紫煙山人談服食問我掛瓢年一笑瓊花在娟
娟媚遠天

探奇非浪迹攜舊亦多緣湖淨白留月山空竈
注泉酒從田父得詩任野人傳莫漫調龍虎丹
成祇自憐

白髮不勝情秋風過赤城忽聞洞笛語疑是玉
簫聲瑤草他年拾青芝遙夜生所思非夢寐萬
事已逃名

藥宮天共遠芒屨客重來路遶啼猿樹雲深化
鶴臺南州還舊榻北海復深杯寄與僊翁道年
華莫漫催

可是殫霞地誰傳辟穀書龍歸青嶂寂天入碧
湖虛僊舄疑雙鳥雲津悵九魚石牀曾信宿棚
棚到華胥

白石蒼霞徑尋真慰舊期江河秋共下天地老
爭奇雙瀑虛廬阜數峰訝武夷憑雲同決皆看
雨獨支頤

飲猿曾避客浴鳥却驚湍雲谷晴嵐暝石林午
日寒僊閒何大夢吾健合奇觀恍惚層霄上翩
翩飛紫鸞

何嶺傳旌暮奚囊得句多如何青瑣客亦戀白
雲窩幽興頻呼酒營魂定捫蘿明朝看瀑去相
對一狂歌

鄭九萬給舍
自僊遊來

爾歸過十載今日識龍湫歲月秘玄洞風煙會
急流放杯雙鬢短擊缶萬山秋鄭谷非新里邵
平有舊侯

湖白早霏上屏青涼吹低攬裘初出戶散步一
交藜匡瀑頻過李蘇山獨住稻鳴鐘高閣去啼
鳥隔林迷

伏枕浹旬時雨愈疾適吳三麓劉約齋林
養齋來訪用壬子喜雨韻呈三君子九

首

曉起童來報西隣攜瓦甌問予相見否小飲定
消憂出戶憐無暑談農慰有秋層雲抱西崦新
水共東流

閒居頻伏枕聽雨灑窓初近樹涼飈起踈簾爽
氣虛香清觀易榻帙散草玄廬頗訝嵇中散風
塵畱素書

浹旬淹藥食白髮一番新即事羲皇世浮生畎
畝民西源分象谷東海湧天津客到無拘束呼
童煮澗芹

避囂初止酒涓滴獨醒時南北雙谿合風霆百里移未成芳草夢忽漫故人期寄與田翁道休歌雲漢詩

群山靈不翳萬象氣同清香稻隨珠綴澄谿蘸石屏巖耕中歲事野飯百年情老愛鷓鴣棲靜淹留江上城

悠然知歲稔世事澹忘機一雨清長夏三時願不違歡呼聞社鼓起坐拂春衣桑柘浮陰裏翩翾雙鳥飛

風伯何須訟雲師不待招小湖初接堰高浪已
平橋心跡雙清在年華二豎驕吾慚彭澤老歛
歲樂簞瓢

曇曇雲疊結晞景沒纖波流目餘珠玉披襟出
網羅榻應開北牖夢已覺南柯淑氣滄洲滿山
人抱膝歌

待哺人如蟻仙谿下穀船野紛鴻鴈集江失蛟
龍眠解井潮通海華池雲接天催科雨後急民
病轉堪憐

送李金峰司訓遷永福教諭

數載饒清話驚心忽別期芙蓉溪上路馬首有
新詩泮雨移春濶壇雲抱日遲賢書聯赤縣世
業慰相思

久旱喜雨馬師山自黃石同顧願齋過訪
西源卽事十首兼似董郡守後峰

對雨還高幘西源翠色浮漫卽非北海孺子自
南州雲黯山逾暝谿高天欲秋農談初志喜吾
道共滄洲

四郊禾欲萎六月墜霖初夕野蒼流闊疎林翠
靄虛喜聞平役報兼得憫農書倏忽神功遠龍
宮近草廬

六十閒居者看雲眇世寰海門橫萬壑雨脚亂
千山野馬明還滅沙鷗去復還銷愁如夢醒載
酒入霞關

山邑通津遠江城駭浪稀餘花開欲媚斜日澹
還暉投老疑丹液避人臥翠微東臯看晚熟安
穩閉柴扉

濯枝連日雨排闥數峰新共醉一尊酒相看萬
古春西雲招隱榻南畝報恩身款語思京國玉
關靜虜塵

白波驚遶屋鐘鼓乍晴時忽動栖山興翻成喜
雨詩岸容藏日彩野色逗雲枝良晤春來隔悠
悠獨爾思

把袂看山色淹留几杖清千門初稅畝二老舊
躬耕魚隊浮蒼渚鷗羣寂翠屏使君今召杜虎
竹重專城

穀價平俄頃市聲散寂寥石田還撒種原稻已
增苗海舶鯨波闊山笳虎穴遙回天誰者力河
漢瀉仙瓢

近喜谿峰曲農人治廢田智泉分野澗淑氣薄
炎天野語驩村舍漁歌答晚船白袍隨二客櫂
散寄流年

老農能卜歲分至識陰晴欲解妻孥恨頻聽風
雨聲乞靈喧萬井懷惠拜雙旌香篆郡齋裏勤
勤畎畝情

石湖書室卽事十首

兩峰相對晚一榻下雲間黃菊催開徑青霞遲
閉關老增泉石興春駐風塵顏壘上躬耕者妻
孥共識閒

蘭臺歸未老敢愛世間名獨酌依蒲坐狂歌遶
竹行黃虞魯大業巢許漫浮生幾日江門雨扁
舟漁父情

數間仲蔚宅樗散稱幽居鄰叟春栽樹小童夕
釣魚鐘鳴孤寺近雲接兩山虛綠野閒身在誰

言生計疎

嵇康還玩世阮籍祇銜杯湖上雙扉動松間獨
鶴來嵐光浮北郭山意靜春臺欲擬閒居賦慚
非潘令才

客至無來札幽期更接連峰煙涵谷樹荔塢浸
邨泉北闕頻年夢南華舊日編前洲誰卜隱獨
羨長康賢

浹旬渾強飲興發始空尊客醉兒童喜月明薜
荔邨流螢深竹淨歸鳥暝雲屯我憶林君復孤

山醒夢魂

清談遺世味斜日到林臯山翠灑晴靄松聲寒
晚濤野情歆白幘雲路憶青袍那復看雙劒歸
來初二毛

樵漁邨里近相見共翛然隨意談山水木蘭欲
繫船松花明澗戶白日羲皇年試問南屏老芝
生幾石田

落落滄洲興流年祇自狂百壺山月白雙鬢菊
花黃僧磬鳥棲樹邨燈笛近牀子雲稱解事瞻

首戀爲郎

剡谿連戴宅廬阜隱陶丘勝事蓮花社閒情雪
夜舟南天芳樹合別野碧煙流長揖懷千古清
時自倦遊

避囂溪聲閣清江簡子厚來別賦贈四首
兼呈簡一溪亞卿敖東谷方伯

白髮年來短清宵照佛燈祇園藜榻在竹外懶
雲增遶閣泉留客巢林鶴近僧前時慧力寺江
上記頻登

慧力臨江名剎

華燭傳杯語清江見一溪祇疑鬢共改翻憶興
同攜畫省風雲舊南山星漢低閒身邀九華茲
夕宿招提

子厚號九華
一溪姪也

白鹿隨三隱青牛度九關雲間泉石榻海上鳳
凰山興入詩擔重春從藥裏還別離驚太劇瑤
樹共君攀

子厚以醫遊能
詩居莆數月

昔日探玉笥石門吹洞簫三芝仙子飯九戶羽
人朝知爾遊踪近憐予望眼遙相思東谷老步
月到溪橋

四月八日朱子鄭子到雞峰賦贈四首時

朱將往盱江

石壁澄微雨榴花傍短扉祇看沙蚓動翻失渚
禽飛榻引林姿媚尊舍晝景輝物華驚白首把
袂願無違

故人驚語別今雨思迢迢山舍祇炊黍松門同
聽蕉天低生石溜雲暝下溪橋意氣吾憐汝狂
歌清夜遙

柴門爲爾開雲動雨花臺佛日三生話杜陵二

妙來山光圍桂榻野色入松杯鳥語還春事相
過定幾廻

別塢春猶逗流鶯去尚遲山看蒼靄合苔坐綠
尊移渺渺盱江興青青桂樹姿草堂真小隱應
許白鷗知

蔡谿書事十首

鈎簾獨望時山暝欲何之嶺上俯雲樹鳥鳴秋
水涯煩心期夢蝶病骨已茹芝朝日蓮花淨盈
盈開紫池

躡雲隨意去空翠洒晨霏草沒前朝市孤亭獨
掩扉懸知仙嶠近莫遣賞心違地主勤相贈秋
山有薜薇

野老煙霞僻晴空風雨聲裂雲雙瀑下低野斷
煙明祇憶陳僊榻那知王子笙遲迴蒼玉杖消
息遶江城

住山五十載玄跡亦希夷靈谷黃精熟丹房白
日遲巖姿空外得僊珮夢中疑漫有歸依興炊
梁煮露葵

僊翁長避世憶爾訪松蘿
閉戶看今雨逢僧話
更多珠簾輝夜壑瓊液落天河
未見青童侶空傳白雪歌

雲間零羽客山下少人家
崖滑苔荒磴榭虛竹
抱沙蕭騷換野色闌寂淹年華
我亦間行者芙蓉何處花

三花聊共玩孤鶴任翱翔
海氣醒秋鼎石雲寒
午牀風煙蹤跡老天地鬢毛蒼
梅子峰前月吾廬大隱鄉

怪石龍蛇闢脩林日月昏涉深驚失足陟險欲
銷魂奇事添詩卷閒身付酒尊野田茅屋下雙
犬吠過門

險絕千盤嶺喧騰百折谿風霆石齒齒天漢草
淒淒談虎聽畬客彈猱任黠奚巢林雙倦鳥安
穩足平栖

百年雙屐健五日萬山深豈負友朋約真懸去
住心麻源謝客賦天姥李生吟勝地應還往江
湖夢不禁

陳君咸郎中招集東山卽事十首

坐挹香風滿重巖
月橋花招提吾歲月
藜杖欲爲家
掃石飜階薜攀蘿
散洞霞朝來谿雨後
漁唱齊滄涯

陳琳報書至邀我入雙林
倦客谿山債空門
風雨心千楓團碧靄
一徑擘蒼岑
老宿談緣業
浮杯渡復深

昔到春城暝今遊夏木清
逢僧問石菊動我數
年情塔日棲禪影松風送梵聲
慈帆如可渡吾

欲學無生

言著東山屐來傾北海尊
佛香時出院齋磬午
還門晴入莎光晚涼生
野翠繁江湖十載事樗
散向誰論

每於禪寂處懷抱一條然
暫到身疑夢頻來意
覺僊曇雲留石上卿月落
尊前二雨廻蒼壁三
峯生紫泉

蓮花依靜室柳色隱鳴鷗
把袂遲良友尋真逢
我師檻煙青抱閣巖溜白
通漪興極從欹帽狂

歌攀桂枝

遁迹曾無地逃禪亦有關海門看白浪一杖拄
東山顧尉疑高論鄭虔尚壯顏蘿軒彈局暮鳶
徑放杯閒

沙白谿流淨天低島色微三花明佛日獨鶴下
禪扉大士風煙榻吾生薜荔衣卧雲還舊約茲
夕莫言歸

隱隱日沉樹荒荒谿度雲渚禽棲不定山犬吠
初聞野酌頻催燭僧厨獨煮芹芒鞋隨處得丘

壑與君分

他年開綠野坐石聽山鐘今日過青磴扶筇到
徑松歸雲疑色相歌鳥識人蹤方外頗還往雙
峰翠幾重

麥斜十首

問訊林栖者麥斜深復深昔人思不見六月晝
陰陰風雨生龍洞松杉淨鶴岑
廬吾志定斗
載謝朝簪

梧葉驚初下相看天路遙棲遲逢剩日嬾慢過

清朝鬼谷藏真界山靈訝遠輶主人開石戶衲
子遠相招

山高淹日御舉手凌蒼煙閭苑餘僊蛻桃源隔
世緣石縈着竹徑麥入種芝田未得刀圭隱風
流念昔賢

何意談嘉遁真成問大還數峰朱草麗九戶碧
霞閒何胤能辭客龐公本住山紫巖見桑海日
夕欲躋攀

蓮宇深依嶂金堂迥架煙過橋巖隱樹藉草洞

流泉五酌孤峯外三生獨石前虎谿談舊事共
憶老僧年

山椒懸淨溜馬首入層雲日月玄門靜神僊覺
路分風幡孤磬定烟笛一尊聞白首林居子初
來訪洞君

竹深龍舌洞望遠更微茫曉日東峰路遲迴石
磴長劒門收野綠苔几隱雲蒼把酒呼樵谷秋
風吹石梁

夕壇寒樹薜高閣寂流螢怪詭雲爭幻冥濛巖

漸清幽花開別塢涼月遲中庭欲喚杜陵老磨
崖共勒銘

出山幾回首谷口忽聞鐘漫欲邀青鳥誰當訪
赤松洞雲連羽服人代渺塵蹤試問寒潭水何
年畱卧龍

白社巖扉迥青山野日明未能淹舊榻那復動
離旌葛嶺生銀氣塲橋濺雨聲午雲高百丈猶
繫薜蘿情

秋間得張淨峰總制書兼談邊報愴然有

懷四首

丘壑從吾好何如阮籍狂樹騰蒼鼠客裘攬黑
貂長俯石聽梅管攀林送羽觴濁醪不惜醉畱
客臥丹房

睡覺聞飛葉寒聲曙色初江雲鴈陣杳春樹雀
巢踈五嶺懷人夢三秋開府書平蠻消息好張
瀚憶蓴魚

白髮淹人代端居百感生天風吹野草海日淡
寒城世賞公卿事邦交戎虜情北門誰鎖鑰烽

火息咸京

寒栖驚歲晚野嘯萬青臺松栢雲霄迴鵬瀚
海迴避人探道錄玩世混塵埃鹿豕山居伴頻
來共酒杯

六月五日聞浙報殲倭餘寇各潰乃同林
壺南廣文攜酒東山拉林西谷員外顧
頤齋憲副林養齋柱史同飲情慨今昔
詩志憂喜十章

東山諸老在六月一節臨白竹清尊映蒼霞短

褐侵三峰松翠滿二雨石苔深攜李驅倭藪朝
來報好音

此日遊玄圃清歌欲采芝時清銷亂畧吾老慰
支離言念王師勇深懷漢節遲吳門多郡邑隨
處痛瘡痍

不禁清世淚灑向一杯前偶集雲霞侶同叅慧
覺禪午鶯歌靜樹晚鵲噪晴煙却憶繁華地凋
殘冷幾年

鐵翎籠中鳥哀鳴不自聊涔魚初假息東海一

何遙戡亂須豪傑興邦仰市朝卿雲歌擊缶衰
老望漁樵

蒼天未厭禍人事極蕭疎海警膠舟楫陸沉蕩
室廬兵戈誰歲賦壠畝幾春鋤信息翻疑假勤
勤訂報書

桂榭僧供茗松門客陟臺采真良晤並望遠老
顏開冥迹蛟龍蟄高標燕雀猜雲中須魏尚物
色古人才

最愛梅林叟勲名任苦辛一官經世志萬事報

恩身辭盜翻巢海諸邦抱戰塵捷書金闕曉
寰宇慶同春

晴雨蓬洲近風烟瀚海長憂沉千里道懷解百
年觴桂園登鴈塔楓渚盼魚梁潦倒驚華髮西
雲送晚涼

偃蹇山中客高僧愛巨文漫聽精舍笛虛挹敬
亭雲初月留西照玄談漏未分馮唐嗟老大那
復夢從軍

倭夷今小醜元帥亦書生西域班卿節東山謝

傳情苞桑存諷咏碩果慰生成漢武輪臺悔前
皇自聖明

遊玉澗和叔祖他石翁韻二首

別業雞峰靜脩林生早涼山容團駐蓋石齒逗
留觴堦竹緣雲長風蓮入院香阮咸今小隱幽
事共徜徉

坐石孤雲細看山五月涼獨憐王逸少留客竹
林觴日淨巖花媚林深澗草香群公應強飲塵
世幾徜徉

秋日集朱子淡和亭

怪石栖霞淨晴花傍竹幽
席分山翠晚亭俯海門
秋歲月驚吾老兒童憶舊遊
元龍雙劍在把袂一登樓

春日同劉約齋往劉坑視葬林畏所五首
初春寒不淺細雨雪仍飛
樹色龍橋黯泉聲松嶺微
緣厓平拂幘披棘迥褰衣
短日劉坑路芳蓀蒲日輝

漁滄流百里野水漾迴谿
沒膝寒能渡冥心春

可攜雞鳴農舍午鷗泛浦橋西爲弔南州老雲
深一杖藜

子有堪輿興與吾聞宅兆書歸山猶少鶴縱海見
神魚少室無遺蛻茂陵獨臥廬至今談往事生
理向來踈

形骸那復有爲爾念輪迴野草沿汀綠巖梅抱
雪開猶餘玩世語未竟著書才謝傳南阡近清
風雨化臺

尚憶談玄日掀髯更不疑幻雲非舊夢今雨果

前期意氣憐吾子樓遲繫去思更生同執紼悵
望夕陽時

劉約齋集同年金橋歸第次韻四首

敲戶驚來札遊仙夢未休竹聲蒼雨劇峰影碧
谿流別院添詩債清歌當酒籌梧塢懸榻在後
會訂先秋

風雨王官谷司空咏四休劉橋瓊樹合襄酒玉
泉流選勝稽新漲聽玄醉晚籌交情知慷慨雙
鬢共禁秋

豈謂滄洲集蹉跎暮雨休同袍淹舊國白社共
名流壺矢更孤注棋枰助一籌鳴鳩雲復聚蕭
爽意如秋

爾愛陶靖節浮生感行休風烟南畝闊歲月大
江流登覽欣然諾酣呼催唱籌閒情惟愛客一
別似經秋

三宿溪閣東林養齋鄭抑齋四首

一榻西來室談空得上人凭欄山共寂看菊石
爲鄰野色虛蘿幌霜華淨葛巾柴桑曾避地白

社拂微塵

大士頻留偈中卽初嚮文天青雙澗瀑秋碧萬
山雲厓蘚荒猿洞林霏散鳥群淹留歌桂樹香
篆日氤氲

小隱青山舊秋風細菊開諸天分野仗萬事寄
深杯鳥下栖霞閣泉鳴得月臺如何玄圃夢猶
待曙鐘催

空門還浪迹僧臘渺憂端誰悟恒河性予淹首
宿盤霜溪白石麗雨獻青楓寒回首舊題在峭

杯遲爾歡

春日過陳三宜宅三首

草堂湖水上春日叩柴門喜坐陳蕃榻梅花傍
酒尊碧山鳴雨細芳樹過雲繁豈有陰何興騷
壇愧共論

幽鳥鳴當戶群鷗浴傍沙酒同鄰叟興春入野
人家睥睨晚如畫芙蓉寒欲花新詩傳逸老十
載羨栖霞

我愛陳無已談詩法更多閒情同夢鶴大隱愧

披蘿野席青精飯寒宵白雪歌相看春欲半芳
草思如何

晚過林坡俯石攀林陟臺望海閭者摘荔
來獻四首

澤國羣山好林坡別洞奇荒烟籠翠竹湛露長
青芝飲鹿看人慣流鶯出樹遲主人懸榻在邇
逅定何期

石厓傍溪澣歲歲紫藤長仙客歌瑤草卿雲漾
羽觴息交翻避地問字幾鳴榔昔日林和靖西

湖孤草堂

野色聯滄海溪流抱翠微
亭高晴樹出沙淨晚鷗飛
歲月虛談劍風塵漫振衣
奚童知愛客丹荔摘應稀

狂歌攀桂樹舊夢憶林坡
有美楊雄宅談玄思若何
暗潑流野渡夕吹動汀莎
歸去淹城市思君鬢易皤

遊林竹渠草堂

青山環野舸白髮次江門
晤語雲連榻尋真竹

滿村東臯饒酒價西叟湧詞源稍喜春無賴月
華侵我軒

憐君開勝集首夏媿高軒心遠鳬鷺徑天低薜
荔村招攜矜靖節拓落近長源海上蚶山晚城
鐘復到門

哭馬師山侍御四首 有引

師山直諫削籍三十餘禩矣臥病衰遲
醫藥罔功予與顧齋退齋往問之意氣
談款猶曩日也一宿而別越二日僕來
報公厭世矣復與顧齋退齋奔哭視殯
視蓋棺二月望日也夫翠峰公以忠節
苑荷贈祀師山亦以直諫淪沒至于苑

皆非謂遇臣子忠孝道一也心同也惡
乎非遇即某四十餘年老友哭師山奚
耶

問疾探醫証同疑生死關僕來傳惡信鐘盡謝
人寰三隱銷魂雨五侯墮淚山舊遊情惻惻一
慟更衰顏

削籍清時事離憂淳古情直臣吾論世諫署爾
完名賓榻懸黃石仙蹤秘穀城夜來春夢短遺
恨鷓鴣聲

吾隱將三紀君歸先十年烟花頻對席鷓鴣鳥慣

聽玄晚日沉丹谷愁雲黯碧泉相知今有許外
史野夫傳

中孚堂不掃青野見烏臺藜火依誰照臯蘭祇
自開江湖終遁叟耆舊失英才阿使肩垂髮堪
憐慟地哀

愧瘖集七卷終

愧瘖集

一八七卷